

Staðfesting forsetans á skipulagsskrá fyrir „Verðlaunasjóð Gunnars Hafberg“, 119
 útgefin á venjulegan hátt að mandatum af dómsmálaráðherra 15. ágúst 1946. 15. ágúst
 Skipulagsskráin er þannig:

SKIPULAGSSKRÁ

fyrir Verðlaunasjóð Gunnars Hafberg.

Ungmennadeild Slysavarnafélags Íslands.

1. gr.

Sjóðurinn er stofnaður af Engilbert Hafberg kaupmanni, til minningar um son hans, Gunnar Hafberg, sem fórst af slysi 25. júlí 1943.

2. gr.

Tilgangur sjóðsins er, að veita unglíngum, innan 18 ára aldurs, viðurkenningu fyrir eftirtalin afrek:

- a. Að bjarga mannlífi á sjó eða landi.
- b. Að sýna sérstakt snarræði og þekkingu við að aftra slysum.
- c. Að sýna sérstakan dugnað og þekkingu í því að veita hjálp í viðlögum, ef slys hefur borið að höndum.

3. gr.

Stofnfé sjóðsins er kr. 1000.00, gefnar af Engilbert Hafberg, og kr. 9925.00, gefnar til minningar um Gunnar Hafberg af ýmsum ættingjum og vinum í sambandi við jarðarför hans.

Veita má fé úr sjóðnum þegar hann hefur náð kr. 10000.00 — tíu þúsund krónum —.

Sjóðinn skal ávaxta í Söfnunarsjóði Íslands. Höfuðstól sjóðsins má aldrei skerða. Einn fimmti hluti af vöxtum sjóðsins skal árlega lagður við höfuðstól hans, en fjórum fimmtu hlutum þeirra má verja til verðlauna samkv. 2. gr., þegar verðlaunagreiðslur hefjast úr sjóðnum.

4. gr.

Stjórn sjóðsins skipa 3 menn, og sé forseti Slysavarnafélags Íslands ávallt formaður hans, en auk hans skipa stjórnina formaður Ungmennadeildarinnar í Reykjavík og formaður slysavarnadeildarinnar Ingólfur í Reykjavík. Stjórnin skal halda gerðabók og færa í hana fundargerðir og aðrar gerðir sínar, svo sem um veitt verðlaun og fleira.

5. gr.

Umsóknir um verðlaun úr sjóðnum skulu sendar stjórn sjóðsins fyrir lok hvers árs, og skal fylgja þeim skýrsla um hin veittu afrek, viðurkennd af viðkomandi sýslumanni eða lögreglustjóra.

Heimilt er stjórninni, ef henni þykir henta, að geyma þann hluta tekna sjóðsins, að einhverju eða öllu leyti, til úthlutunar næsta ár, ef ekki þykir ástæða til þess að úthluta honum að fullu það ár, sem þá stendur yfir.

6. gr.

Ungmennadeild Slysavarnafélagsins í Reykjavík vinnur að vexti og viðgangi sjóðsins, en auk þess er gjöfum veitt móttaka í sjóðinn.

7. gr.

Reikningsár sjóðsins er almanaksárið. Fyrir lok janúarmánaðar ár hvert skal stjórn sjóðsins hafa samið reikning hans fyrir liðið ár. Skal hann endurskoðaður

119 af endurskoðendum Slysavarnafélagsins og síðan birtur í Árbók Slysavarnafélags Íslands.

8. gr.

Hætti Ungmennadeild Slysavarnafélagsins að starfa, af einhverjum ástæðum, verður sjóðurinn að öllu leyti á vegum Slysavarnafélagsins, og skal þá sá stjórnarmeðlimur sjóðsins, er vera átti í stjórn fyrir Ungmennadeildina, kosinn af stjórn Slysavarnafélagsins.

120 Staðfesting forsetans á skipulagsskrá fyrir „Verðlaunasjóð Friðriks Halldórssonar, loftskeytamanns“, útgefin á venjulegan hátt að mandatum af dómsmálaráðherra 20. ágúst 1946.

Skipulagsskráin er þannig:

SKIPULAGSSKRÁ

fyrir Verðlaunasjóð Friðriks Halldórssonar, loftskeytamanns.

1. gr.

Sjóðurinn heitir Friðrikssjóður, og er stofnaður til minningar um Friðrik Halldórsson, loftskeytamann, ritara í aðalstjórn Slysavarnafélags Íslands, sem lézt 18. nóv. 1944.

2. gr.

Stofnfé sjóðsins er kr. 4141.00, sem félaginu bárust fyrir seld minningarspjöld við andlát og jarðarför Friðriks heitins.

3. gr.

Tekjur sjóðsins eru, auk vaxta af höfuðstóli og gjafa, sem sjóðnum kunna að berast, árlegt tillag úr félagssjóði, er félagsstjórnin ákveður á hverjum tíma, þar til aðrar tekjur sjóðsins nægja til starfsemi hans. Stofnfé sjóðsins má aldrei skerða.

4. gr.

Tilgangur sjóðsins er að veita sérstök heiðursverðlaun fyrir björgun mannlífa, eða fyrir að sýna sérstakt snarræði og fórnfýsi við björgunartilraunir og slysavarnir á sjó eða landi.

5. gr.

Verðlaunin skulu vera heiðursmerki, sem stjórn Slysavarnafélagsins sæmir þá, er til þess hafa unnið að hennar dómi. Merki þetta skal vera stjarna, er hvílir á björgunarhring úr silfri, og er það þrenns konar, miðað við það afrek, sem unnið hefur verið. Fyrstu verðlaun, stjórnun úr gulli ásamt silkiborða með sömu litaniðurröðun og er á fána Slysavarnafélagsins, skal aðeins veita fyrir framúrskarandi björgunarafrek, enda hafi viðtakandi lagt líf sitt við það í bráða hættu. Önnur verðlaun eru stjarna úr silfri, en þriðju verðlaun stjarna úr bronze.

6. gr.

Stjórn Slysavarnafélags Íslands hefur öll umráð yfir sjóðnum og úrskurðar, hverjum verðlaun skuli veitt. Tillögur um verðlaun úr sjóðnum skulu stílaðar til Slysavarnafélagsins, og skal hverri umsókn fylgja vottorð þriggja valinkunnra manna, er stjórnin metur gilda, um að hlutaðeigandi hafi unnið afrekið, og ná-